

Wolayta - Minttetto Xoossaa - Comfort Scriptures

2 Naaantto Qorontoosa 1:2-4 Xoossaa nu Aawaappenne Godaa Yesuuus

Kiristtoosappe, aaro kehatettainne sarotettai intteyyo gido. 3 Xoossaa nu Godaa Yesuuus Kiristtoosa Aawaa, maarotettsaa Aawaanne minttetto ubbaa Xoossaa galatai gakko; 4 Xoossai nuna nu huuphen minttettido minttettuwaadan, daro waayiyaa waayettiyaageeta nuunikka minttettanaadan, nu waaye ubban i nuna minttettees.

Leemiso 15:13 Wozanai ufaittin, som77oi poo7ees; shin wozani azzanikko, he aawu siiddees.

1 Kawtu Koiruwaa 8:66 Wonttetta gallassi kawai asaa moissiis; asai kawuwaa anjiidi, GODAI ba ashkkaraa Daawitayyoonne ba asaa Israaeelayyo oottido kehatettan ufaittiiddinne wozanappe pashkkiiddi, ba soo ba soo biis.

1 Hanidabaa Odiya Kiro 16:10 A geeshsha sunttan ceeqettite; GODAA koyiyaageetu wozanati ufaittona.

Leemiso 12:25 Hirrgiyoogee asa ufaissaa diggees; shin shonggaara de7iya haasayai a ufaissees.

Leemiso 13:12 Koyyoobai polettennan gamiyoogee azzanissees; shin amottidobai polettiyoogee ufaissees.

Isiyaasa 30:26 He gallassi aginee poo7oi awaa poo7uwaadan hanana; awaa poo7oikka kaseegaappe laappun kushe darana; laappun gallassa poo7uwaa keenaa poo7ana. He gallassi GODAI meqqida ba asaa koolana; i dechchin masunxxida masunttaakka pattana.

Hoosea 13:8 Marata wotti ekkido maaheedan, taani inttenaara gaittana; gaittada inttena daakerettana. Qassi taani inttena gaammodan yan maana; bazzo doadan, inttena poosherettana.

1 Sameela Koiruwaa 1:8,10 I keettaawai Elqqaani o, "Haannee, neeni aissi yeekkai? Aissi qumaa miikkii? Ne wozanai aissi azzanii? Taani neeyyo tammu naatuppe aadhdhikkinaayye?" yaagees. 10 Haanna keehi mishettada, camo yeehuwaa yeekkada GODAA woossaasu.

Mazamure 25:16,17 GODAU, taani tarkka de7iya qohettida asa gidiyo gishshau, haa taakko simma; taayyo qarettta. 17 Taayyo hirggai dariis; ta metuwaappe tana neeni kessa.

Mazamure 34:18 GODAI wozanai me77idoogeetussi mataana; qassi bantta ayaanan liiqidaageeta ashshees.

Mazamure 38:8 Taani hitaasinne nippi gaas; taani tuggatada oolais.

Mazamure 55:4 Ta wozana aifiyan diddiqees; haiquwaa hirggai tana maashissiis.

Mazamure 61:2,3 Taani ta sooppe kiyada haaho sohuwan de7ishin, ta wozanai taahido wode, taani nena xeesais. Taappe xoqqiya zaallaakko, tana kaalletta. 3 Aissi giikko, neeni taayyo qatonne taani ta morkketuppe

naagettiyo mino miixaa.

Mazamure 62:8 Asau, Xoossan ubba wode ammanettite; i nuuyyo qato gidiyo gishshau, intte metuwaa ayyo yootite.

Mazamure 73:26 Ta wolqqainne ta wozanai daafuranau danddayees; shin Xoossai ta wozanaa minttiyaagaanne merinaayyo tana gakkida saamaa.

Mazamure 77:2,3 Taani ta metuwaa gallassi Godaa koyais. Qamman taani shemppennan ta kusheta akko miccais; gidikkonne, taani minettanau danddayikke. 3 Taani Xoossaabaa qoppiyo wode, oolais; taani abaa yereriyo wode, ta shemppoi daafurees.

Mazamure 86:11 Abeet GODAU, taani ne tuman hemettana mala, tana ne ogiyaa tamaarissa. Taani ne sunttaayyo yayyana mala, taayyo issi wozanaa imma.

Mazamure 109:22 Aissi giikko, taani hiyyeesanne metootanchcha asa; ta wozanaikka mazunxxiis.

Mazamure 112:7,8 Iitabaa i siyikkokka dagammenna; aissi giikko, a wozanai yeeqenna; GODAN i ammanettees. 8 A wozanai xala gidiyo gishshau, mulekka i yayyenna; wursettan ba morkketi xoonettin be7ana.

Mazamure 143:4 Hegaa gishshau, taani hitaas; ta wozanaikka yibbaatiis.

Mazamure 147:3 Wozanai meqqidoogeeta i pattees; eta mazuntaakka i qachchees.

Leemiso 14:30 Woppu giida wozanai bollaa payya wottees; shin qanaatee bollau ajaaanje harggiyaa mala.

Eranchchaa 1:13 Taani biittan sa7an de7iyaabaa ubbaa qora qorada eranaunne aadhdhida eratettan pilgga xeellanau ta qofaa qachchaas. Yaatada asaa ubbaassi Xoossai immido de7oi keehippe daafurssiyaabaanne ufaissennabaa gidiyoogaa akeekaas.

Eranchchaa 2:10 Ta aifee xeellidobaanne ta wozanai amottidobaa ubbaa demmaas; ta asatettai koyiyo ufaissaa ubbaakka diggabeikke. Taani oottido ooso ubban ufaittais; ta daafuraayyo woreekka hegaa.

Eranchchaa 2:22,23 Yaatin, salo gufantton asi keehi daafuridi oottidobaappe ubbaappe ai goa demmii? 23 I ba deuwaa laittan daafuriyo daafurai ubbai azzanoppenne kayyoppe harabaa ainne au gujjenna; harai atto qammikka a huuphee qofaappe shemppenna; gido shin, he ubbaikka hada.

Eranchchaa 11:10 Hegaa gishshau, simmi ne wozanaappe hirggaa, ne bollaapekka seelaa diggargga. Aissi giikko, naatettainne yelagatettai hada.

Isiyaasa 30:29 Geeshsha baalai bonchchettiyo qammi yexxiyoogaadan, intte yexxana; GODAA deriyaa Israaeela Zaallaakko biyo wode, pulaaliyaa punnidi yexxiya asai ufaittiyoogaadan, intte ufaittana.

Isiyaasa 57:15 Aissi giikko, merinau de7iyaagee, gitai, xoqqan de7iyaagee, a sunttaikka Geeshshaa geetettiyoogee, hagaadan yaagees; "Taani xoqqu giidanne geeshsha sohuwan de7ais; gidikkonne, bantta oottido nagaraa azzanidi simmiyaageetuuranne banttana ziqqi oottiyaageetuura de7ais.

**Yaatada taani bantta oottido nagaru azzanidi simmiyaageetu
ayyaanaanne bantana ziqqi oottiyaageetu wozanaa ooraxissais.**

**Isiyaasa 65:14 Beite, ta ashkkarati wozanan ufaittidi yexxana; shin intte
wozanan azzanidi waassana. Qassi intte ayyaanai meqqido gishshau, intte
zilaalidi yeekkana.**

**Isiyaasa 66:13,14 Aayyiya ba na7aa minttettiyoogaadan, taanikka inttena
minttettenna; intte Yerusalaamen minettana. 14 Intte hegaa be7iyo wode,
intte wozanai ufaittana; intte meqettaikka maataadan aacana. Qassi
GODAA kushee a ashkkaratuura de7iyoogeenne a hanqtoi a morkketu
bollan de7iyoogee erettana" yaagees.**

**Ermmaasa 15:16 Abeet GODAU, Ubbaappe Wolqqaama Xoossau, taani ne
sunttan xeesettido gishshau, ne qaalai taakko yin maas. Min tana
pashkkissiisinne ta wozanaa ufaissiis.**

**Ermmaasa 24:7 Taani GODAA gidiyoogaa eti eranaadan, taani etau wozanaa
immana. Eti bantta kumetta wozanaappe taakko simmanau de7iyo
kishshau, eti ta asa gidana; taanikka eta Xoossaa gidana' yaagees.**

**Yohaannisa 14:1 Yesuusi erissiyo ashkkarata, "Intte wozanai hirggoppo;
Xoossaa ammanite; tanakka ammanite.**

**Yohaannisa 14:27 "Taani sarotettsaa inttenaara wottais; ta sarotettsaa
intteyyo immais. Taani sa7ai immiyo sarotettsaa malaa immikke. Intte
hirggoppitenne yayyoppite.**

**Yohaannisa 16:6 SHin taani hagaa odido gishshau, intte wozanan daro
azzanoi de7ees.**

**Yohaannisa 16:22 Hegaa gishshau, inttekka intte wozanan hirgeeta; shin
taani naa77antuwa inttena beana; qassi intte wozanai keehi ufaittana;
intte ufaissa ooninne intteppe ekkenna.**

**Yesuusi Kiittidoogeetu Oosuwaa 2:46 Qassi ubba gallassi, issi wozana gididi,
Beeta Maqidasiyan paccennan gaittidi, bantta keettsaa keettsaa xeesettidi
ufaissaaninne pashkka wozanan qumaa moosona.**

**Roome 9:2 Taayyo ashwan zare gidiya ta ishanttuyyo, ta wozanan daro
qarettinne aggena qofai de7ees.**

**2 Naaantto Qorontoosa 2:4 Aissi giikko, taani intteyyo daro waayiyaaninne
tuggan qassi daro afuttaara xaafidoogee, inttena azzanissanaassa
gidenna; shin taani inttena ubbata ai keenaa siiqiyaakkonne intte
eranaassa.**

**Efisoona 5:19 Mazamuriyaa yettan, galatiiddi yexxiyoogaaninne ayyana
yettan issoi issuwaara haasayite; qassi galatiyo yettaaninne mazamuriyaa
yexxiyoogan intte wozanan Godaa galatiiddi yexxite.**